

Fundacion na memoria di sr. E.J. (Watty) Vos

Recordando Sr. Watty Vos 16 Augustus 1937 - 6 Januari 2001

"No ta e golpi cu bo tira lo determina ta con fuerte bo ta, pero ta e golpi cu bo por absorba lo determina esaki"

Watty Vos



ORANJESTAD (AAN): E aña cu ta tras di lomba tabata un aña cu varios acontecimiento politico cu por a sinti e falta cu e persona di sr. Watty Vos ta haci. Tanto politico, periodista, y pueblo en general tabata comenta cu si sr. Watty Vos tabata presente na algun di e reunionnan di parlamento cierto errornan, malinterpretacionnan, y reglanan lo no por a sosodé.

E dicho di sr. Watty Vos esta: "Pa bo por ganami bo mester lama prome cumi, y drumi despues di mi", a bini varios bes padilanti den e aña cu a caba di transcuri. Y tur esakinan ta refleha cu no ta solamente dos bes pa aña sr. Watty Vos ta worde recorda,

cu otro palabra su memoria ta sigui bibo.

Sr. Watty Vos tabata busca solucionnan practico na problemanan cu den bista di e pueblo tabata problemanan difícil pa resolve. Un bibo ehempel di esaki ta na aña 93 pa 94 ora cu e maneho di otorgamento di tereno tabata asina deficiente y negligente na e necesidad di pueblo. Sr. Watty Vos parlamentario den oposicion e tempo ey a recomenda gobierno cu mester haci cambio den e ley(nan) cu ta regula e proceso di otorgamento di tereno. Pero gobierno no a haci caso na e recomendacionnan di sr. Watty Vos, y na lugar di presenta na pueblo un sistema

GPRS lo soluciona e problema di tereno y den mesun rosea a bisa tambe cu no tin fecha stipula pa cuminsa cu esaki.

Un otro solucion cu sr. Watty Vos a trece padilanti tambe e tempo ey tabata pa bende e casnan di FCCA cu e habitantenan di casnan aki, y asina bo ta mantene e tradicion cu cada Arubiano ta doño di nan propio cas. Esaki a worde rechasa categoricamente pa e gobierno di e tempo ey.

Pero sr. Watty Vos no a lubida e promesa haci na pueblo, cual promesa su persona a haci un compromiso cu pueblo cu manera su persona asumi e cartera di Obranan Publico su prome tarea lo ta haci e

cambio(nan) den e ley(nan) di otorgamento di tereno pa asina esaki bay mas eficiente y rapido cu ta posibel, como tambe pa bende e casnan di FCCA cu e habitantenan di e casnan aki.

Oponentenan politico no por a kere hama cu ta e cambio di ley a trece cunele cu pueblo tabata y ta sigui haya su tereno asina rapido, y nan a bin e ora cu e storia cu ta politica ta worde hunga cu esaki. Pero prueba ta cu e cambio(nan) di e ley(nan) aki a keda manera cu sr. Watty Vos a bay laganan. Pa locual ta trata e casnan di FCCA oponentenan politico a opone ferosmente. Y ora cu sr. Watty Vos a invita su oponente politico pa un debate esaki a briya cu su ausencia, y ta t'ey e discusion a yega tambe.

Y nos no por keda sin menciona cu e aña aki na maart e servicio di gobierno CEA (antes yama Beveiligheidsdienst Aruba of Blue Team) ta cumpli 10 aña di existencia. Un servicio

gubernamental cu sr. Watty Vos a bini cunele pa yuda den e systema judicial pa asina tanto cuerpo policial, como tambe e cuerpo di bewaarders di KIA por haci nan tarea(nan) mas eficiente. Aki oponentenan politico acompaña pa algun sindicato a haci dos tipo di marcha. E prome tabata pa protesta contra e existencia di e cuerpo aki, y despues den menos di dies dia nan a marcha atrobe pero e bes aki e peticion pa e cuerpo aki yuda mas pronto cu ta posibel den e systema judicial. Pa tur e discusionnan cu tabata tin rond di e binimento di CEA (Beveiligheidsdienst Aruba of Blue Team) awe tur hende por ta testigo cu e departamento aki en berdad tin derecho di existencia. Pa finalisa e invitacion ta keda pa un ofrenda floral na santana di playa awetardi pa 5 or y mey. Y pa 7or pa un sacrificio di misa na Iglesia Catolico San Francisco na Playa.

